

OKVIRNI SPORAZUM

Za nabavku roba - prehrambeni artikli (hrana i napici)

Zaključen između:

1. **Kantonalna javna ustanova Dom za djecu bez roditeljskog staranja** sa sjedištem u Sarajevu, Bjelave 52, koju zastupa direktor Saudin Đurđević / u daljem tekstu: **Naručilac** /
2. **"TPDC" d.d. Sarajevo** sa sjedištem u Sarajevu, ul. Rajlovačka BB, ID broj: 4200115050005, koju zastupa direktor društva Hodžić Mirsad/ u daljem tekstu: **Dobavljač** /

I. UVOD

Član 1.

Na osnovu provedenog postupka javne nabavke roba – prehrambeni artikli (hrana i napici) Ugovorni organ je Odlukom broj: 45-3/18 od 15.01.2018. godine odabrao ponudu Dobavljača broj 31/18 od 05.02.2017. godine kao najbolje ocjenjenu ponudu u skladu sa objavljenim kriterijem za donošenje odluke o odabiru i zahtjevima iz tenderske dokumentacije.

Ovaj Okvirni sporazum ne predstavlja obavezu Naručioca na realizaciju u bilo kojem obimu ili vrijednosti u odnosu na ugovorenu količinu.

II. PREDMET I TRAJANJE OKVIRNOG SPORAZUMA

Član 2.

Predmet ovog Okvirnog sporazuma je regulisanje međusobnih kupoprodajnih odnosa za nabavku prehrambenih artikala i napitaka za potrebe Naručioca prema tenderskoj dokumentaciji i ponudi Dobavljača.

Ovaj Okvirni sporazum se sklapa **na period od 1 /jedne/ godine dana počevši od 05.03.2018. god. do 05.03.2019. godine** i predviđa sa ciljem realizacije isporuke roba tokom perioda ugovorenog ovim Okvirnim sporazumom.

U okviru zaključenog okvirnog sporazuma Ugovorne strane mogu zaključivati posebne ugovore o kupoprodaji ili isporuku predmeta nabavke vršiti po potrebi Naručioca, na osnovu dostavljene narudžbenice koja ima sve elemente ugovora, a u skladu sa uslovima definisanim ovim sporazumom.

III. CIJENA

Član 3.

- Ukupna vrijednost ovog okvirnog sporazuma (bez PDV-a) iznosi :
48.828,90 KM,
- Popust iznosi: - %,
- Ukupna vrijednost ovog okvirnog sporazuma (bez PDV-a) i sa uključenim popustom iznosi:
48.828,90 KM,
- PDV (17%) iznosi: 8.300,91 KM,
- Ukupna vrijednost/cijena okvirnog sporazuma (sa PDV-om) iznosi:
57.129,81 KM,

Cijene su fiksne i ne mogu se mijenjati za vrijeme važenja okvirnog sporazuma.

IV. USLOVI PROVEDBE OKVIRNOG SPORAZUMA

Član 4.

Cijene za svaku nabavku moraju odgovarati cijenama istaknutim u ponudi Dobavljača iz člana 1.stav 1. ovog Okvirnog sporazuma i moraju biti nepromjenjive.

Ukoliko u periodu trajanja Okvirnog sporazuma dođe do promjene ambalaže ili pakovanja robe od strane proizvođača, na šta Dobavljač ne može uticati, Ugovorne strane su saglasne da Dobavljač izvrši preračun po odgovarajućoj jedinici mjere, tako da cijena po osnovnoj jedinici mjere na može biti promjenjena, a o čemu je Dobavljač dužan da pismeno obavijesti Naručioca.

Paraf za naručioca

Paraf za dobavljača

Član 5.

Dobavljač se obavezuje da će početi sa isporukom odmah po zaključivanju ovog Okvirnog sporazuma na zahtjev Naručioca.

Isporuka roba će se vršiti sukcesivno /dnevno, sedmično ili mjesečno/ prema zahtjevima i potrebama Naručioca u roku datom u ponudi Dobavljača.

Mjesto isporuke roba je sjedište Naručioca ul. Bjelave broj 52. Općina Centar – Sarajevo.

Član 6.

Naručilac će vršiti plaćanje na osnovu ispostavljenih faktura Dobavljača.

Naručilac će izvršiti plaćanje fakture iz stava 1. ovog člana u roku od 60/šezdeset/ dana računajući od dana dostavljanja ispravne fakture.

Dobavljač je saglasan da Naručiocu neće zaračunavati zatezne kamate za zakašnjenje pri plaćanju putem Trezora Kantonalnog ministarstva finansija, ako je Naručilac u ugovorenom roku predao nalog za plaćanje.

Član 7.

Pri sklapanju ugovora o javnoj nabavci ugovorne strane ne smiju mijenjati bitne uslove ovog Okvirnog sporazuma.

V. OBAVEZE I ODGOVORNOST DOBAVLJAČA

Član 8.

Dobavljač se obavezuje izvršavati isporuke roba savjesno i odgovorno, na način određen ovim Okvirnim sporazumom sa pažnjom dobrog privrednika.

Dobavljač se obavezuje da će ugovorene robe isporučiti u skladu sa tenderskom dokumentacijom i prihvaćenom ponudom.

Dobavljač se obavezuje čuvati sve podatke i materijale dobivene po osnovu ovog Ugovora i neće ih otkrivati i davati na upotrebu trećim licima.

Član 9.

Naručilac se obavezuje da će blagovremeno izvršiti narudžbu, a dobavljač je dužan u roku datom u ponudi izvršiti isporuku koja odgovara kvalitetu i roku upotrebe shodno važećim zakonskim propisima za predmetnu nabavku.

Dobavljač se obavezuje da će ugovorenu robu dostavljati u prevoznom sredstvu koje je opremljeno ispravnim mjeracima temperature i dostavljati robu kojoj je dozvoljeno robno susjedstvo srodnih namimica.

Za robe koje se dostavljaju mora biti obezbijeden temperaturni režim prevoza: hladeni režim prevoza, a ako je potrebno i zamrznuti režim prevoza. Sve robe koje su predmet nabavke moraju obavezno posjedovati podatke: rok upotrebe, deklaraciju, namjensku ambalažu i uredna svojstva (okus, miris, izgled) koje se utvrđuju vizuelnom kontrolom i ne smiju biti oštećene.

Dobavljač je dužan isporučiti robu sa urednom deklaracijom.

Član 10.

Za ispravnost i kvalitet isporučene robe odgovoran je dobavljač. Na zahtjev Naručioca, dobavljač je dužan da dostavi potrebne ateste o kvalitetu i ispravnosti isporučene robe od nadležnog organa i institucije kao npr. Zavod za javno zdravstvo, inspekcijski nalazi za kontrolu kvaliteta i drugo, a vezane za određeni datum naznačen na proizvodu.

VI. OBAVEZE NARUČIOCA

Član 11.

Naručilac se obavezuje saradivati sa Dobavljačem tokom izvršenja isporuka roba i povremeno ga informisati o relevantnim činjenicama koje bi mogle utjecati na izvršenje ugovora.

Naručilac se obavezuje Dobavljaču platiti ugovorenu cijenu za izvršenje isporuke roba na ugovoreni način i u ugovorenom roku.

Naručilac zadržava pravo da vrši uvid u isporučenu robu i u slučaju bilo koje sumnje, istu ima pravo reklamirati i vratiti u roku od 24 sata.

Paraf za naručioca



Paraf za dobavljača



odmah po uočavanju propusta dati Dobavljaču prigovor u pisanoj formi.

VII. BANKOVNE GARANCIJE ZA OSIGURANJE IZVRŠENJA UGOVORENIH OBAVEZA

Član 12.

Dobavljač je, u smislu osiguranja izvršenja obaveza po ovom okvirnom sporazumu obavezan Naručiocu dostaviti garanciju za uredno izvršenje ugovora / dobro izvršenje posla u iznosu 10 % ukupne vrijednosti okvirnog sporazuma, sa rokom važnosti garancije: 1./jedna/ godina dana od dana zaključenja okvirnog sporazuma

Član 13.

Dobavljač će garanciju iz prethodnog stava dostaviti u roku od 7 dana od dana zaključivanja/obostranog potpisivanja ovog ugovora. Garancija za uredno izvršenje ugovora dostavlja se u originalu. Garancija ne smije biti ni na koji način oštećena (bušenjem, i sl.) jer probušena ili oštećena garancija se ne može naplatiti. Ukoliko garancija za uredno izvršenje Ugovora nije dostavljena na propisan način, shodno uslovima iz tenderske dokumentacije i u roku iz prethodnog stava, zaključeni okvirni sporazum smatrat će se apsolutno ništavim.

VIII. RASKID OKVIRNOG SPORAZUMA

Član 14.

U slučaju da Dobavljač ne bude ispunjavao ili ukoliko ne bude u mogućnosti ispunjavati preuzete obaveze iz ovog Okvirnog sporazuma i uslova ponude ili učini povredu odredbi ovog Okvirnog sporazuma, Naručilac ima pravo jednostranog raskida ovog Okvirnog sporazuma uz pisano obavještenje.

IX. RJEŠAVANJE SPOROVA

Član 15.

Sporovi koji eventualno nastanu iz ovog Okvirnog sporazuma, rješavat će se u prvom redu međusobnim sporazumom ugovornih strana, a ukoliko se ne mogu riješiti mirnim putem, oštećena strana može ostvariti svoja prava pred nadležnim sudom u Sarajevu.

Za sve odnose i institute koji nisu utvrđeni ovim Ugovorom, a proisteknu iz njegove realizacije primjenjivat će se odgovarajuća odredba Zakona o obligacionim odnosima.

X. SASTAVNI DIJELOVI OKVIRNOG SPORAZUMA

Član 16.

Sastavni dijelovi Okvirnog sporazuma su :

- Ponuda Dobavljača broj: 31/18 od 05.01.2018. godine

XI. STUPANJE NA SNAGU OKVIRNOG SPORAZUMA

Član 17.

Ovaj Okvirni sporazum stupa na snagu danom obostranog potpisivanja, a primjenjivat će se u periodu od 05.03.2018. god. do 05.03.2019. godine.

Član 18.

Okvirni sporazum je sastavljen u 4 /četiri/ istovjetna primjerka, od kojih se ugovornim stranama uručuju po 2 /dva/ primjerka.

NARUČILAC:

Kantonalna javna ustanova
Dom za djecu bez roditeljskog staranja

Saudin Đurđević, direktor

Broj: 484/18

Datum: 02.03.2018. godine

DOBAVLJAČ:

„TPDC” d.d. Sarajevo

Direktor

Broj:

Datum:

Paraf za naručioca

Paraf za dobavljača